

Bosna i Hercegovina
Federacija Bosne i Hercegovine
Kanton Središnja Bosna
OPĆINA GORNJI VAKUF – USKOPLJE
OPĆINSKO VIJEĆE

Broj: 01-05- /18
Nadnevak, 30.05.2018.godine

ZAPISNIK

sa 12. sjednice V saziva Općinskog vijeća općine Gornji Vakuf – Uskoplje, održane 15. svibnja 2018. godine u Velikoj sali općine Gornji Vakuf - Uskoplje, sa početkom u 10⁰⁰ sati. Sjednici su bili nazočni izabrani vijećnici Općinskog vijeća, Općinski načelnik Sead Čaušević, Tajnik općine Senad Prijić, Pomoćnici načelnika – Nikola Milić, Osman Sofić, Branko Šain, Branko Matijanić, predstavnici JKP „Radovina“ Nahid Šehić i Eniz Šehić, Općinska javna pravobraniteljica Amela Abdalajbegović, predstavnica Zavoda za zapošljavanje Ružica Matušić, ravnatelj JKP „VIK“ Igor Blažević, predstavnici Regionalnog centra za upravljanje otpadom Nijaz Duratbegović i Esmir Hajdarević, predsjednik OO SDP Edin Gekić, OSCE Terenski ured Travnik Amir Hadžić, predstavnici medija-RTV Bugojno.

Tajnik općine Senad Prijić, je izvršio prozivku nazočnih vijećnika, tako da je na sjednici u vrijeme prozivke bilo nazočno 19 vijećnika i to: Ramiz Manjgo, Haris Petrović, Merhila Čaušević, Maid Gafić, Adnan Ramić, Alena Demirović-Spahić, Muris Pidro, Dijamin Hadžiahmetović - SDA, Marinko Krajina, Ana Novaković, Goran Batinić, Danijela Jurina, Ivo Posavac, Marin Novaković, Ivica Žuljević– vijećnici Hrvatske liste HDZ BiH, HDZ 1990, HSP BiH i HSS Stjepan Radić, Naser Karamustafić i Kadir Kičin -SDP, Šeherzada Dedić– neovisna vijećnica, Sabahudin Puljarga -SBB

Izočna su bila 4 vijećnika; Dževad Idrizović i Amra Brzika vijećnici SDA, Berislav Elez i Josip Herceg vijećnici Hrvatske liste HDZ BiH, HDZ 1990, HSP BiH i HSS Stjepan Radić

Predsjednik Općinskog vijeća Gornji Vakuf – Uskoplje Goran Batinić dao je na usvajanje sljedeći

DNEVNI RED:

1. Vijećnička pitanja
2. Usvajanje Zapisnika sa 11. sjednice Općinskog vijeća Gornji Vakuf-Uskoplje
3. Izvješće o radu Općinskog javnog pravobraniteljstva Bugojno za 2017.godine
4. Informacija o radu Biroa Gornji Vakuf-Uskoplje Službe za zapošljavanje za 2017.godinu
5. Izvješće o poslovanju JKP «VIK»d.o.o. Gornji Vakuf-Uskoplje za 2017.godinu i Program rada za 2018.godinu
6. Izvješće o radu JKP «Radovina»d.o.o. Gornji Vakuf-Uskoplje za 2017.godinu i Plan poslovanja za 2018.godinu
7. Izvješće o radu Regionalnog centra za upravljanje otpadom d.o.o. Gornji Vakuf-Uskoplje za 2017.godinu
8. Izvješće o izvršenju proračuna Općine Gornji Vakuf-Uskoplje za razdoblje od 01.01. do 31.03.2018.godine
9. Prijedlog Odluke o pokretanju postupka za imenovanje Upravnih vijeća javnih ustanova kojima je Općina osnivač
10. Prijedlog Odluke o utvrđivanju Liste istaknutih stručnjaka ispred Općine Gornji Vakuf-Uskoplje za popunu Povjerenstva za koncesije
11. Prijedlog Odluke o odobravanju provedbe postupka prometa nekretnine označene kao k.č. 1293/10 k.o. SP_Gornji Vakuf

Diskusije:

N. Karamustafić -ispred kluba SDP-a

- Mi ispred kluba SDP-a tražimo da se s dnevnog reda današnje sjednice skine 11. točka; *Prijedlog Odluke o odobravanju provedbe postupka prometa nekretnine označene kao k.č. 1293/10 k.o. SP_Gornji Vakuf*, pošto je ovo još na sudskom postupku i ne bi htjeli da sudjelujemo u kriminalnim radnjama

O. Sofić -ispred predlagatelja

- Presuda Kantonalnog suda u Novom Travniku da je stvar okončana, da je općina Gornji Vakuf-Uskoplje dobila u postupku protiv SDP-a, tako da to ne odlaže izvršenje, mi možemo krenuti u proceduru. Dali će SDP pokrenuti izvanredni pravni lijek to ne znamo, to nas ne sprečava u postupku, tako da što se toga tiče možemo nastaviti dalje.

G. Batinić -predsjednik OV-a

- Dajem na glasanje prijedlog kluba SDP-a da se 11. točka; *Prijedlog Odluke o odobravanju provedbe postupka prometa nekretnine označene kao k.č. 1293/10 k.o. SP_Gornji Vakuf*, skine s dnevnog reda današnje sjednice

Prijedlog kluba SDP-a da se 11 točka; Prijedlog Odluke o odobravanju provedbe postupka prometa nekretnine označene kao k.č. 1293/10 k.o. SP_Gornji Vakuf, skine s dnevnog reda današnje sjednice nije dobio potreban broj glasova (3 „za“, 15 „protiv“, 1 „suzdržan“)

G. Batinić -predsjednik OV-a

- Dajem na glasanje predloženi dnevni red za 12. sjednicu OV-a kako ste dobili u materijalima

Predloženi Dnevni red usvojen sa većinom glasova (16 «za», 3 „protiv“, 0 „suzdržanih“)

Ad. 1.

Vijećnička pitanja

Odgovori na Vijećnička pitanja

Naser Karamustafić –SDP

- Ne znam koliko je dobro postaviti vijećničko pitanje, kada nema ko da odgovori na moje pitanje sa prošle sjednice; *Zašto nije postavljen trakasti ležeći policajac u ul.Vrbaska kod Vatrogasnog doma ?* Dobio sam odgovor da je na ovo pitanje odgovoreno na jednoj od prethodnih sjednica vijeća (ovo pitanje sam postavio prije devet mjeseci i dobio sam odgovor ;.. *ako bude mogućnosti...*, znamo dobro kako ta osoba odgovara na vijećnička pitanja. Ovo pitanje sam ponovo postavio iz razloga što je se desila saobraćajna nesreća, što su dvije djevojčice mogle poginuti. Drugi razlog je taj što je prošlo devet mjeseci a nije ništa poduzeto da se to riješi.
- Vijećnici kada postavljaju određena vijećnička pitanja žele da sugerišu da postoji neki problem i postavljanjem tog pitanja žele da se taj problem riješi. Dotična osoba koja dostavlja odgovor to radi samo pro forme, volio bih da je danas prisutan na sjednici da ga pitam zašto se nije ništa uradilo za ovih devet mjeseci, da li iz razloga što ne zna, dali zbog toga što nije htio ili iz razloga što živi na području druge općine pa ga nije briga za našu djecu i za naše građane.

Nova vijećnička pitanja:

Naser Karamustafić – SDP

1. Zašto općinske službe, dok Sud ne donese svoju konačnu odluku u određenim predmetima, donose svoje Zaključke, da se time udovolji samo jednoj strani, vezano za zgradu „Komiteta“, preko puta Doma zdravlja, a i u nekim drugim predmetima.

Kadir Kičin-SDP

1. Kada je planirano asfaltiranje dionice puta od sela Seferovići do lokalnog puta Voljevac-Mačkara?
2. Šta Općina planira sa stalnim odronjavanjem tla na lokaciji Potrlica u MZ Dobrošin, odnosno između kuće pokojnog Češljara i kuće Nikice Eleza? Da li je ikako moguće da se ugradi zaštitna mreža?

3. Da li Općina planira izdvajanje novca iz proračuna općine za sufinansiranje poljoprivrednih proizvođača jagodičastog voća (malina) u slučaju niskih cijena u toku 2018.godine?

Kadir Kičin-SDP

- Želim samo da Vas obavijestim da klub vijećnika SDP-a napušta ovu sjednicu zbog neusvajanja našeg prijedloga u vezi dnevnog reda današnje sjednice

Vijećnici SDP-a napustili sjednicu Općinskog vijeća u 10¹⁰ minuta

Maid Gafić-SDA

1. U ulici Vrbaska, općina Gornji Vakuf-Uskoplje svjedoci smo jako brze vožnje posebno u večernjim satima. Da li postoji mogućnost da se postavi stacionarni radar na potezu od Vatrogasnog doma do benzinske crpke „ESSO-PETROL“?
2. U blizini magistralnog puta nalazi se „O.Š.Gornji Vakuf“, te na samoj prometnici nemamo nikakvu signalizaciju da se u blizini nalazi O.Š. Zašto nemamo neki vid signalizacije kako bi učesnici u prometu bili upozoreni da se u blizini nalazi Osnovna škola?

Ivica Žuljević-Hrvatska lista

1. Da li su Načelnik i Općinske službe poduzeli ikakve aktivnosti prema JP „Šume SB“ prema zahtjevu MZ Ždrimci koji je predat na protokol 18.04.2018.godine (zahtjev za saniranje štete)?
2. Je li u skorije vrijeme planirano asfaltiranje makadamskog puta Komarci-Gaj?
3. Da li načelnik i općinske službe znaju za postavljanje ležećeg policajca na putu Grad-Ždrimci (raskrsnica Vrse-Ždrimci) i ako da, koja je svrha postavljanja istog koji ujedno nije označen ni prometnim znakom, niti je iscrtan?
4. Kada je planirano krpljenje udarnih rupa u MZ Ždrimci?

Nije bilo usmenih odgovora na vijećnička pitanja

Ad. 2.

Usvajanje Zapisnika sa 11. sjednice Općinskog vijeća

Diskusije:-

Zapisnik sa 11. sjednice Općinskog vijeća usvojen je jednoglasno sa (17 «za»)

Ad. 3.

Izvješće o radu Općinskog javnog pravobraniteljstva Bugojno za 2017.godine

A. Abdalajbegović-ispred izvjestitelja

- Dala je kratko obrazloženje Izvješća o radu Općinskog javnog pravobraniteljstva Bugojno za 2017.godine

Diskusije:

M. Krajina -HL

- Imam jedno tehničko pitanje za Općinski javnu pravobraniteljicu. Nama je poznato da je od 08.07.2017. godine stupio na snagu novi Zakon o pravobraniteljstvu, pa me interesira da li treba ići u izmjenu i dopunu Odluke o osnivanju. Novi Zakon ne spominje Javno

pravobraniteljstvo, nego se govori samo o Općinskom pravobraniteljstvu, pa bi taj dio možda trebalo da uskladimo

- U financijskom dijelu Izvješća o radu Općinskog javnog pravobraniteljstva Bugojno za 2017.godine, mislim da je ono trebalo biti malo preciznije navedeno. Znamo da mjesto zamjenika pravobranitelja nije popunjeno od smrti naše Nevenke. Ukupni prihodi su bili oko 95 000,00 KM za dva uposlena a izdatci za plaće su 61 045,00 KM. Ne znam je li to puno za dva uposlena. Niste naveli kolika je maksimalna a kolika je minimalna plaća, mislim da je i ova rekapitulacija trebala biti malo preciznija, da vidimo koliki je to suficit Javnog pravobraniteljstva i što namjeravate uraditi sa istim

R. Manjgo -SDA

- Imam jednu primjedbu u vezi diskusije da je Bugojno unaprjeđenije kada su u pitanju „psi lualice“. Lično sam vidio gdje bugojanci dovlače „pse lualice“ i istresaju ih na prostoru općine Gornji Vakuf-Uskoplje. Čija je ingerencija da to spriječi.

A. Abdalajbegović -ispred izvjestitelja

- Točno je da je donesen novi Kantonalni Zakon o pravobraniteljstvu i objavljen u sedmom mjesecu prošle godine, ali je zakon isto tako rekao da zajednička pravobraniteljstva koja su osnovana po starom Zakonu mogu nastaviti sa radom, s tim da su u tom dijelu mjerodavni Općinski načelnici i Općinsko vijeće
- Što se tiče financijskog dijela izvješća naznačila sam da su isplaćene zaostale plate iz 2016 godine, kao i plate iz 2017 godine
- Upraznjeno je mjesto zamjenika predsjednika pravobraniteljstva kao i mjesto upisničara u Općinskom javnom pravobraniteljstvu (traži se srednja stručna smjena, radi se o namješteniku)
- Ukoliko organizacija pravobraniteljstva Bugojno ostane ista kao zajedničko pravobraniteljstvo tri općine, onda bi sukladno sa novim zakonom trebalo usuglasiti normativne akte i samim tim bi trebalo donijeti i Pravilnik o unutaršnjoj organizaciji.
- Što tiče što sam skrenula pažnju na parnice po pitanju napada „pasa lualica“, mi prema tužbama koje su nam dostavljene mi smo se prema tim predmetima samo izjasnili. Ako postoje osnovane sumnje da neko iz Bugojna dovozi „pse lualice“, onda to treba prijaviti nadležnim organima. Mi smo se u izvješću bazirali samo na broju predmeta, odnosno o broju prijava.

G. Batinić -predsjednik OV-a

- Dajem na usvajanje sljedeći Zaključak: *Prihvća se Izvješće o radu Općinskog javnog pravobraniteljstva Bugojno za 2017.godine*

Zaključak o Izvješću o radu Općinskog javnog pravobraniteljstva Bugojno za 2017.godine usvojen je sa većinom glasova (16 «za», 1 „suzdržan“ , 0 „protiv“)

Ad. 4.

Informacija o radu Biroa Gornji Vakuf-Uskoplje Službe za zapošljavanje za 2017. godinu

R. Matušić -ispred izvjestitelja

- Dala je kratko obrazloženje Informacije o radu Biroa Gornji Vakuf-Uskoplje Službe za zapošljavanje za 2017.godinu

Diskusije:

A. Ramić -ispred kluba SDA

- Smatram da je u Narativnom dijelu Informacije o radu Biroa Gornji Vakuf-Uskoplje Službe za zapošljavanje za 2017.godinu, bar u vašoj diskusiji da ćete iznijeti činjenice vezano za ovaj tehnološki višak i sporazumni raskid ugovora o radu, čisto da se malo vijećnici ovdje informiraju da je to možda u najvećem procentu dakle posljedica odlaska u prijevremenu

penziju demobiliziranih boraca odnosno

razvojačenih branitelja.

- Interesira me kako se dolazi do podataka kada je u pitanju „rad na crno“. Prošle godine smo imali ako se ne varam 105 sada imamo 80, jesu li to vaše neke lične procjene ili je to na osnovu nečega drugog. Po meni bi ako Vi imate tu informaciju, trebalo bi ići 80 prekršajnih prijava

M. Gafić -SDA

- Na strani 4. imamo broj ljudi koje ste brisali sa evidencije zbog raznih razloga, mene interesira stavka 7. (odustajanje od traženja zaposlenja-neredovno javljanje) gdje stoji broj 43. Interesira me kada ti ljudi koje brišete stiču ponovno pravo da se mogu javiti na Biro.

M. Krajina -zamjenik ravnatelja Kantonalne službe za zapošljavanje

- Iz izvješća ste vidjeli kakvo je stanje na našoj evidenciji za zapošljavanje, znači da je trend smanjenja broja nezaposlenih osoba i povećanje broja zaposlenih osoba
- Ne znam koliko do svih Vas dođe informacija kada su u pitanju Javni pozivi za sufinansiranje za samozapošljavanje, da u svakih par mjeseci otvoreni. Sve naše gospodarstvenike sa općine čije ma-ilove imam uredno obavijestim par dana prije samih javnih poziva.
- Iskoristio bih priliku da se sutra u 8 sati otvara program Start up 2018.godine, znači samozapošljavanje.
- Ove godine na području naše općine kad je u pitanju aktivna politika zapošljavanja, znači da su se javila 33 pravna subjekta i da su 132 osobe uposlene i te 132 osobe sufinancira Federalni zavod zapošljavanja.
- Kad je u pitanju broj osoba koje rade na crno, kako se dolazi do tog broja, koliko je meni poznato to se radi na način da se od ukupnog broja nezaposlenih uzme 5% i tako se dođe do broja osoba koje rade na crno. Želim da kažem da smo u svakodnevnoj komunikaciji sa inspektorima rada i svako onaj koji se zatekne da radi na crno dobije prijavu i automatski se briše sa evidencije
- Svaka osoba koja se neredovno javlja, nakon dva nejavljanja i pismenog poziva da se javi a ako takva osoba ne dođe onda se briše sa evidencije. Nakon 6 mjeseci ta osoba ima pravo da se ponovo prijavi na evidenciju Zavoda za zapošljavanje.

G. Batinić -predsjednik OV-a

- Dajem na usvajanje sljedeći Zaključak: *Prihvća se Informacija o radu Biroa Gornji Vakuf-Uskoplje Službe za zapošljavanje za 2017.godinu, od siječnja 2018.godine.*

Zaključak o Informacija o radu Biroa Gornji Vakuf-Uskoplje Službe za zapošljavanje za 2017.godinu usvojen sa većinom glasova (16 «za», 0 „protiv”, 1 „suzdržan”)

Ad. 5.

Izvješće o poslovanju JKP «VIK»d.o.o. Gornji Vakuf-Uskoplje za 2017.godinu i Program rada za 2018.godinu

I. Blažević -ispred izvjestitelja

- Dao je kratko obrazloženje Izvješća o poslovanju JKP «VIK»d.o.o. Gornji Vakuf-Uskoplje za 2017.godinu i Program rada za 2018.godinu
- Želim da kažem da smo 15.03.2018. godine ugradili jedan vodomjer u Rakovicama u samom ulazu u grad, gdje se evidentira potrošnja grada i prigradskih naselja. To smo uradili po nalogu Federalnog vodnog inspektora. Taj vodomjer košta 5 000,00 KM i iz razloga što nismo imali novaca nismo ga prije ugradili. Od 15.03 pa do 15.05. tj. do danas kroz taj vodomjer je prošlo 216 850 kubika vode (216 850 000 litara vode), odnosno 43 litra u sekundi. U istom tom periodu smo ispostavili računa u iznosu od 84 025 kubika (16,2 l u sekundi), ova razlika je čisti gubitak (70 % gubitka vode). Ti gubitci mogu biti krađa ili zastarjele cijevi, mi to ne znamo. Način na koji bi to mogli saznati bio bi ugradnja „zonskih” vodomjera (trebalo bi nam 11 takvih vodomjera koji koštaju 55 621,00 KM). Zamolio bih Općinskog načelnika i Općinsko vijeće da nam se pomogne u nabavci ovih

vodomjera da bi mogli detektirati stvarni problem gubitka vode.

Diskusije:

M. Gafić - ispred povjerenstva za proračun i financije i ekonomska pitanja

- Povjerenstvo za proračun i financije je na svojoj sjednici održanoj 14.05.2018. godine, razmatralo Izvješće o financijskom poslovanju JKP «VIK» d.o.o. Gornji Vakuf-Uskoplje za 2017.godinu i Plan poslovanja za 2018 godinu, te daje pozitivno mišljenje i predlaže Općinskom vijeću da ga usvoji

A. Ramić -SDA

- Vezano za ovaj vodovodni sistem Dobrošin - Boljkovac – Voljevac, svima Vam je poznato da je on Općinskom odlukom stavljen na gospodarenje JKP „VIK“, međutim isti vodovod nije do danas stavljen pod kontrolu JKP „VIK“ d.o.o. Gornji Vakuf-Uskoplje. Mene kao vijećnika zanima zašto je to tako, što je uzrok takvom stanju statusa quo, jednostavno što se čeka, što je problem? Zanima me šta ste konkretno poduzeli, koje su aktivnosti poduzete da se to promijeni.

S. Puljarga -SBB

- Meni u ovom Izvješću o poslovanju JKP «VIK»d.o.o. Gornji Vakuf-Uskoplje za 2017.godinu i Program rada za 2018.godinu nešto nije logično kad su u pitanju ovi potpisi u izvješću. Ravnatelj kao odgovorna osoba i certificirani računovođa potpisuje financijsko izvješće, meni tu nema logike. Jeli to po zakonu i ako je po zakonu nije logično., da odgovorna osoba potpisuje bilance, Igor Blažević i jedna i druga strana.
- Interesira me da li ste Vi ovo predali agenciji za informatičke-financijske poslove, ne vidim pečat na ovom izvješću, tražim da se ovo provjeri i interesira me da li je ovo u redu

M. Krajina -ispred kluba HL

- Zahvalio bih se ravnatelju i čestitao mu što je neke stvari pokrenuo sa mrtve točke
- Porazna je činjenica da su 70% gubitci vode, ne znam, onda je dobro da išta dobivamo u pipama
- Drago mi je da je ovo Izvješće o poslovanju JKP «VIK»d.o.o. Gornji Vakuf-Uskoplje za 2017.godinu i Program rada za 2018.godinu urađen u formi kako smo mi tražili i drago mi je da imamo konkretan prijedlog kako bi mogli riješiti nestašicu vode u ljetnim mjesecima
- Apeliram i ja odavde na Općinskog načelnika i na sve nas obzirom da općina izdvaja određena financijska sredstva za rad crpki u ljetnom razdoblju, da se u određenom vremenu pokušaju nabaviti ti „zonski“ vodomjeri gdje bi otkrili te gubitke i kako bi ovaj vodovod stavili u puni kapacitet
- Klub vijećnika Hrvatske liste podržat će ovo Izvješće o poslovanju JKP «VIK»d.o.o. Gornji Vakuf-Uskoplje za 2017.godinu i Program rada za 2018.godinu

R. Manjgo -SDA

- Želio bih samo da kažem da će ravnatelj imati punu podršku i suradnju od Vijeća MZ Privor oko rješavanja problematike oko vodovoda Dobrošin-Boljkovac-Voljevac

I. Blažević -ispred izvjestitelja

- Odgovorio bih prvo na pitanje koje je postavio vijećnik S. Puljarga oko potpisa mene kao odgovorne osobe ravnatelja i mene kao certificiranog računovođe. Ja sam u svojoj firmi jedini certificirani računovođa, to sam radio i prije.
- Financijsko izvješće je predato u Agenciju FIA i u skladu je sa zakonom, ne sprečava me da uradim svoja financijska izvješća. Poduzeće ima Odbor za reviziju, Skupštinu i Nadzorni odbor koji pregleda ta ista izvješća.
- Pitanje koje je postavio vijećnik A. Ramić je kompleksan problem koji JKP „VIK“ samo ne može riješiti.
- Vodovod Dobrošin-Boljkovac-Voljevac urađen je uz pomoć Norveške vlade 2006 godine i koštao je nekih 700 000,00 KM, to je jedan odličan i super vodovod.
- Danas je taj vodovod nemoguće staviti pod kontrolu JKP „VIK“ iz razloga što se miješaju lokalne vode Voljevca i Boljkovca sa tim vodovodom. Ako želimo to riješiti to se može riješiti uz punu podršku same mjesne zajednice odnosno ljudi iz mjesne zajednice. Samoinicijativno sam nosio tu vodu na analizu i ona nikako nije dobra, bojim se da se neko

ne zarazi.

G. Batinić -predsjednik OV-a

- Rekao bih da ovo nije samo mjesne zajednice, odnosno ljudi koji žive gore, veće je to problem šire društvene zajednice i stoga apeliram na sve nas da se uključimo u taj proces
- Ima još nekoliko vodovoda na području općine koje treba staviti pod kontrolu VIK-a i stoga apeliram na Općinskog načelnika i sve nas da uložimo dodatne napore da se ovaj problem riješi u što skorijem roku

G. Batinić -predsjednik OV-a

- Dajem na usvajanje sljedeći Zaključak: *Prihvća se Izvješće o poslovanju JKP «VIK»d.o.o. Gornji Vakuf-Uskoplje za 2017.godinu i Program rada za 2018.godinu*

Zaključak o Izvješću o poslovanju JKP «VIK»d.o.o. Gornji Vakuf-Uskoplje za 2017.godinu i Program rada za 2018.godinu usvojen sa većinom glasova (16 «za», 1 „suzdržan", 0 „protiv")

Ad. 6.

Izvješće o radu JKP «Radovina»d.o.o. Gornji Vakuf-Uskoplje za 2017.godinu i Plan poslovanja za 2018.godinu

N. Šehić -ispred izjavitelja

- Dao je kratko obrazloženje Izvješća o radu JKP «Radovina»d.o.o. Gornji Vakuf-Uskoplje za 2017.godinu i Plan poslovanja za 2018.godinu

Diskusije:

M. Gafić - ispred povjerenstva za proračun i financije i ekonomska pitanja

- Povjerenstvo za proračun i financije je na svojoj sjednici održanoj 14.05.2018. godine, razmatrala Izvješće o financijskom poslovanju JKP «Radovina» d.o.o. Gornji Vakuf-Uskoplje za 2017.godinu i Plan poslovanja za 2018 godinu, te daje pozitivno mišljenje i predlaže Općinskom vijeću da ga usvoji

A. Ramić -ispred kluba SDA

- Koristim priliku da Vam čestitam za pozitivno financijsko poslovanje JKP «Radovina» d.o.o. Gornji Vakuf-Uskoplje za 2017.godinu, to sam zaboravio da uradim na prethodnoj točki dnevnog reda kada je bilo Izvješće o financijskom poslovanju JKP «VIK» d.o.o. Gornji Vakuf-Uskoplje, stoga to činim ovim putem
- Mišljenja sam da bi većina diskusija oko Izvješća o radu JKP «Radovina»d.o.o. Gornji Vakuf-Uskoplje za 2017.godinu i Plan poslovanja za 2018.godinu, trebala biti na temu lokalne deponije „Batuški lug“, smatram da je ovo problem broj jedan kada je u pitanju općina Gornji Vakuf-Uskoplje i trebamo žurno poduzeti određene korake na rješavanju ovog problema
- Klub SDA predlaže da jedan od Zaključaka bude da se ide ka tematskoj sjednici Općinskog vijeća na temu lokalne deponije

M. Krajina -ispred kluba HL

- Kad se uzme u obzir ukupno poslovanje, uvjeti, tehničke mogućnosti, cijene usluga zaista treba čestitati ravnatelju na pozitivnom poslovanju
- Kad je u pitanju tabela 2. prihodi u 2017 godini-osnovna djelatnost, fakturirani prihodi – građani stoji 202 728,78 KM a imamo dole naplaćeni prihodi-građani 200 786,31 KM, znači ispada da je naplativost 99%, svima nama je jasno da je to nemoguće, treba skrenuti pažnju onima koji rade taj posao da to isprave
- Tabela 5. Ugovori o djelu mislim da je malo prevelika cifra od 50 346,75 KM, smatram da bi se to trebalo malo bolje napraviti
- Po nama problem deponije je problem broj 1. koji treba što prije riješiti
- Mislim da je trebalo u ovom Izvješću u prijedlogu mjera, trebalo da stoji i prijedlog mjera

koje je dala Radna grupa koju je od prethodnih sjednica vijeća

imenovalo Općinsko vijeće na jednoj

- Klub vijećnika HL će podržati ovaj Izvješće o radu JKP «Radovina»d.o.o. Gornji Vakuf-Uskoplje za 2017.godinu i Plan poslovanja za 2018.godinu uz primjedbe koje sam iznio
- E. Šehić -predstavnik JKP „Radovina“
- Kada su u pitanju zamjerke na tabelu 2. Koje je iznio vijećnik M. Krajina želim da kažem da su ovo obrasci koje mi dobivamo od Službe za financije općine Gornji Vakuf-Uskoplje. U tom dijelu stoji fakturiranje i naplaćeni prihodi. U ovim prihodima se nalaze i prihodi od 150-200 riješenih tužbi koje su podnesene prije tri-četiri godine, tako da se u tim naplaćenim prihodima nalaze i prihodi koji su naplaćeni putem tužbi
 - Po našim podacima i proračunima naplativost je negdje oko 85%
- G. Batinić -predsjednik OV-a
- Predlažem stanku od 10 minuta

(Stanka od 11⁰⁷ do 11²²)

G. Batinić -predsjednik OV-a

- Dajem na usvajanje sljedeći Zaključak:
 1. *Prihvaća se Izvješće o radu JKP «Radovina» d.o.o. Gornji Vakuf-Uskoplje za 2017.godinu i Plan poslovanja za 2018.godinu*
 2. *Zadužuje se Kolegij Općinskog vijeća Gornji Vakuf-Uskoplje da u roku od 90 dana pripremi održavanje tematske sjednice Općinskog vijeća Gornji Vakuf-Uskoplje na temu „Zbrinjavanje komunalnog otpada na području Općine Gornji Vakuf-Uskoplje“.*

Zaključak o Izvješću o radu JKP «Radovina»d.o.o. Gornji Vakuf-Uskoplje za 2017.godinu i Plan poslovanja za 2018.godinu usvojen jednoglasno sa (17 «za»)

Ad. 7.

Izvješće o radu Regionalnog centra za upravljanje otpadom d.o.o. Gornji Vakuf-Uskoplje za 2017.godinu

N. Duratbegović -ispred izvjestitelja

- Dao je kratko obrazloženje Izvješća o radu Regionalnog centra za upravljanje otpadom d.o.o. Gornji Vakuf-Uskoplje za 2017.godinu

Diskusije:-

G. Batinić -predsjednik OV-a

- Dajem na usvajanje sljedeći Zaključak: *Prihvaća se Izvješće o radu Regionalnog centra za upravljanje otpadom d.o.o. Gornji Vakuf-Uskoplje za 2017.godinu*

Izvješće o radu Regionalnog centra za upravljanje otpadom d.o.o. Gornji Vakuf-Uskoplje za 2017.godinu usvojen sa većinom glasova (15 «za», 2 „suzdržana” , 0 „protiv”)

Ad. 8.

Izvješće o izvršenju proračuna Općine Gornji Vakuf-Uskoplje za razdoblje od 01.01. do 31.03.2018.godine

N. Milić -ispred predlagatelja

- Dao je kratko obrazloženje Izvješća o izvršenju proračuna Općine Gornji Vakuf-Uskoplje za razdoblje od 01.01. do 31.03.2018.godine

Diskusije:

M. Gafić -ispred povjerenstva za proračun, financije i ekonomska pitanja

- Povjerenstvo za proračun, financije i ekonomska pitanja na sjednici održanoj 14.05. 2018. godine razmatralo je Izvješće o izvršenju proračuna općine Gornji Vakuf-Uskoplje za razdoblje od 01.01. do 31.03.2018.godine te daje pozitivno mišljenje i predlaže Općinskom vijeću da ga usvoji.

G. Batinić -predsjednik OV-a

- Dajem na usvajanje sljedeći Zaključak: *Prihvća se Izvješće o izvršenju proračuna općine Gornji Vakuf-Uskoplje za razdoblje od 01.01. do 31.03.2018.godine*

Izvješće o izvršenju proračuna općine Gornji Vakuf-Uskoplje za razdoblje od 01.01. do 31.03.2018. godine usvojen jednoglasno sa (17 „za“)

Ad. 9.

Prijedlog Odluke o pokretanju postupka za imenovanje Upravnih vijeća javnih ustanova kojima je Općina osnivač

S. Prijjić -ispred predlagatelja

- Dao je kratko obrazloženje prijedloga Odluke o pokretanju postupka za imenovanje Upravnih vijeća javnih ustanova kojima je Općina osnivač

Diskusije:-

Prijedlog Odluke o pokretanju postupka za imenovanje Upravnih vijeća javnih ustanova kojima je Općina osnivač usvojen sa većinom glasova (16 „za“, 1 „suzdržan“, 0 „protiv“)

Ad. 10.

Prijedlog Odluke o utvrđivanju Liste istaknutih stručnjaka ispred Općine Gornji Vakuf-Uskoplje za popunu Povjerenstva za koncesije

S. Čaušević -Općinski načelnik

- Dao je kratko obrazloženje prijedloga Odluke o utvrđivanju Liste istaknutih stručnjaka ispred Općine Gornji Vakuf-Uskoplje za popunu Povjerenstva za koncesije
- Ovom Odlukom utvrđuje se Lista istaknutih stručnjaka općine Gornji Vakuf-Uskoplje za popunu Povjerenstva za koncesije, kako slijedi:
 - Husein Fale, mag. građevnog inženjerstva
 - Marinko Krajina, dipl.ing prometa
 - Senada Čatić, dipl. pravnik
 - Branko Šain, dipl.ing. građevinarstva
 - Selmir Šehić, dipl. pravnik
 - Igor Blažević, dipl. ekonomista.

Diskusije:-

G. Batinić -predsjednik OV-a

- Dajem na glasanje Prijedlog Odluke o utvrđivanju Liste istaknutih stručnjaka ispred Općine Gornji Vakuf-Uskoplje za popunu Povjerenstva za koncesije

Prijedlog Odluke o utvrđivanju Liste istaknutih stručnjaka ispred Općine Gornji Vakuf-Uskoplje za popunu Povjerenstva za koncesije usvojen sa većinom glasova (15 „za“, 2 „suzdržana“, 0 „protiv“)

Ad. 11.

Prijedlog Odluke o odobravanju provedbe postupka prometa nekretnine označene kao k.č. 1293/10 k.o. SP_Gornji Vakuf

O. Sofić -ispred predlagatelja

- Dao je kratko obrazloženje prijedloga Odluke o odobravanju provedbe postupka prometa nekretnine označene kao k.č. 1293/10 k.o. SP_Gornji Vakuf

Diskusije:-

Prijedlog Odluke o odobravanju provedbe postupka prometa nekretnine označene kao k.č. 1293/10 k.o. SP_Gornji Vakuf *usvojen sa većinom glasova (16 «za», 1 „protiv”, 0 „suzdržanih”)*

Sjednica završena u 11⁴⁰ sati.

ZAPISNIČAR

Hidajet Redžić

PREDSJEDNIK
OPĆINSKOG VIJEĆA

Goran Batinić, mag.nov.